

Pembaca yang ingin menyuarakan pandangan berhubung isu semasa boleh menghantar sumbangan menerusi e-mel: bhforum@bh.com.my

E-MEL PEMBACA

Misi teruskan kecemerlangan Malaysia di pentas antarabangsa

Pencapaian pelajar kita pada peringkat antarabangsa bukanlah sesuatu yang mengejutkan. Baru-baru ini, pelajar perubatan, Dr Nor Syahirah Mohd Nor membanggakan negara apabila menerima anugerah Golden Graduation bagi kecemerlangan akademik dan pencapaian luar biasa daripada Warsaw Medical University, Poland.

Beliau dilaporkan pelajar terbaik perubatan dalam kalangan 70 pelajar antarabangsa dari Kesatuan Eropah (EU), Asia Barat dan Malaysia. Tambah membanggakan ialah dua lagi pelajar negara turut mencatat antara markah tertinggi iaitu Dr Nur Aini Sharkhan dan Dr Mohamad Amirul Akram Mas-hum.

Kitajuga tidak sekadar mencapai kecemerlangan dari segi akademik, tetapi juga budaya apabila sekumpulan pelajar membentuk

kumpulan penari Persatuan Tobilung Sabah Bersatu (TOBISA) meraih pingat emas pertandingan Piala Dunia Tarian (DWC) 2017 di Offenburg, Jerman, baru-baru ini.

Malaysia mampu bersaing peringkat antarabangsa

Sedikit sebanyak ia mencerminkan usaha banyak pihak untuk menunjukkan bahawa Malaysia mampu bersaing pada peringkat antarabangsa dengan negara lain selepas kita menyertai pelbagai ranking dan indeks antarabangsa seperti ranking universiti terbaik dunia, indeks kebahagiaan dunia dan indeks daya saing global.

Mungkin ramai tidak nampak apakah kebaikannya kita menyertai pelbagai ranking atau indeks antarabangsa. Tidak lain dan tidak bukan supaya profil negara dalam pelbagai aspek diperakui dan dihormati dunia, lebih-lebih lagi ketika masyarakat dunia berada dalam era revolusi industri ke-4



Mungkin ramai tidak nampak apakah kebaikannya kita menyertai pelbagai ranking atau indeks antarabangsa. Tidak lain dan tidak bukan supaya profil negara dalam pelbagai aspek diperakui dan dihormati dunia, lebih-lebih lagi ketika masyarakat dunia berada dalam era revolusi industri ke-4

lam era revolusi industri ke-4.

Malah, Forum Ekonomi Dunia (WEF) berpejabat di Geneva dalam penilaian aspek daya saing ke atas 138 negara menyenaraikan Malaysia di tempat ke-25 berdaya saing bagi fasa penilaian 2016-2017, mengatasi Thailand (34), Indonesia (41), Filipina (57), Brunei (58), dan Vietnam (60). Kita juga mengatasi negara maju, termasuk Korea Selatan (26) dan negara Eropah tertentu seperti Poland (38), Itali (44) dan Portugal (46).

Pencapaian pelajar

Pencapaian pelajar dan negara dalam ranking dan indeks antarabangsa bukti kemampuan pelajar dan pelbagai sektor dalam masyarakat ke arah mencapai negara maju sejajar keperluan semasa.

Bagaimanapun, kita tidak boleh berhenti setakat itu sahaja. Tidak boleh cepat berpuas hati. Perlulah ada kemajuan dan peningkatan

dari semasa ke semasa.

Sebab itu Kementerian Pendidikan Tinggi (KPT) menyasarkan lima universiti penyelidikan negara akan berada di tangga 200 terbaik dunia dalam tempoh dua hingga tiga tahun akan datang.

Universiti berkenaan termasuk Universiti Malaya yang kini di kedudukan ke-114; Universiti Putra Malaysia (229), Universiti Kebangsaan Malaysia (230), Universiti Teknologi Malaysia (253) dan Universiti Sains Malaysia (264).

Ini bermakna lebih banyak usaha perlu dijalankan untuk mencapai matlamat itu. Tetapi, ia tidak mustahil. Siapa sangka anak Malaysia boleh ungguli 70 pelajar lain untuk pencapaian luar biasa di Poland? Bukankah usaha itu tangga kejayaan?



Kumpulan penari Persatuan Tobilung Sabah Bersatu (TOBISA) meraih pingat emas pertandingan Piala Dunia Tarian (DWC) 2017 di Offenburg, Jerman, baru-baru ini.

Aminuddin Hashim,
Ampang, Selangor